

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALEZIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

No 5

-- ME 1949 --

MAT. 36.

E PARAU NA TE PERESITENI

I Muri a'e i te poheraa o te Mesia ua tia faahou maira Oia, mai te pohe maira, e ua fâ maira Oia i te tino Ahuru ma piti ra. Ua rave rahi te mau parau Ta'na i faaite mai ia ratou i taua taime ra e ua haapapu roa maira Oia i te mau mea atoa ta'na i hinaaro i ta'na mau Aposetolo ia rave i to ratou oraraa.

Ua na ô maira Oia ia ratou e: "*E haere outou e ati noa'e te mau fenua atoa, e faaite haere i te Evanelia i te taata atoa. O te faaroo e ua bapetizohia, e ora ia.* (Mareko 16:15, 16)

E parau teie na Iesu i ta'na mau Aposetolo no te mea ua hinaaro Oia ia poro-haere ratou i te Evanelia i te mau fenua atoa e i te mau nunaa atoa hoi, ia parare te Evanelia i te mau vahi atoa e i te mau fenua atoa e i te mau nunaa atoa hoi, mai te au i te mau parau i tohuhia i mutaa ihora e te mau Peropheta ra.

E mea tia roa ia tatou ia mana'o e ua parau atoa maira te Atua i teie nei parau i te mau taata atoa o tei faaroo mai ia'na ra, no te mea ia roaa mai ia tatou te Poe Tao'a rahi no te Evanelia, e mea tia roa, ia tatou atoa, ia haapii atu i te mau

parau no te Evanelia ia vetahi ê ra ia noaa atoa ia ratou te ite no te reira, ia tia atoa ia ratou ia ho'i faahou i mua i te aro o to tatou Fatu ma te oaoa, ia tae i te mahana hopea ra.

Mai te au i te parau a te hoê taata paari e te ite rahi ra, *E mea puai a'e ta tatou mau ohipa i ta tatou mau parau*, e no reira mai te mea ua hinaaro tatou i te poro-haere i te Evanelia a to tatou Fatu ia Iesu Mesia e mea tia, ia tatou atoa, ia hi'opoa maitai i to tatou oraraa i te mau mahana atoa.

Ua tae maira o Iesu i nia i te ao nei no te faa-huru-ê i to tatou oraraa i ô nei. Ua hinaaro Oia ia oaoa tatou i te mau mahana atoa na roto i te mau ohipa maitai ta tatou e rave. Mai te mea e rave tatou i te hoê ohipa maitai e oaoa ihoa tatou i te reira. Mai te mea ua rave tatou i te hoê ohipa au ore, noa'tu ua rave-huna-hia te reira ohipa, e pee mai te reira ia tatou e e ore to tatou oaoa i reira. Nafea ra to Iesu faa-huru-êraa i to tatou oraraa, maori ra na roto i te faatupuraa i te mana'o maitai, e na roto i te reira, te ohipa maitai i rotopu ia tatou i te mau mahana atoa ra. Eaha te faufaa no te Evanelia ia tatou mai te mea e faatupu noa tatou i te marôraa, i to tatou mau taata tupu, i te mau mahana atoa, e a ore râ, mai te mea e rave tatou i ta vetahi ê ra mau faufaa, e a ore râ, mai te mea e faatupu noa tatou i te peapea i roto i to tatou mau utuafare. Ua hinaaro Iesu ia faatupu i te parau hau i nia i te ao nei na roto i te haapaoraa o te mau taata atoa, i nia i te ao nei, i ta'na mau haapiiraa no te Evanelia mure ore.

No reira, e homa, e mea tia roa ia tatou ia faatupu noa i te parau hau i rotopu i to tatou mau taata tupu i te mau mahana atoa. Mai te mea e ite te hoê taata ia tatou i te raveraa i te hoê ohipa maitai, e eita e maoro, i muri iho, e ite faahou oia ia tatou i te rave-faahou-raa i te tahi atu â ohipa maitai, e mea papu roa e mana'o te reira taata e, na te Evanelia i faatupu i te reira ohipa maitai. Na roto i to tatou oraraa maitai e i ta tatou mau ohipa maitai, i te mau mahana atoa, ta tatou poro haere-raa i te Evanelia a te Mesia.

Ei
ratou
aita
roto
i ta
mai
ohip
E
no r
te m
i te
re râ
râ t
pee
te m
hoê
ohip
mai
te a

TE F
U
e no
hia
O
rau
ooti,

Eiaha roa tatou e faahapa ia vetahi ê ra mai te mea aita ratou i ite i te mau mea ta tatou i ite, e a ore râ, mai te mea aita ratou e tomo mai i roto i te Ekalesia a Iesu Mesia. Na roto râ i to tatou aau maru e te here ia ratou, e na roto hoi i ta tatou mau ohipa maitai, i te mau mahana atoa ra, e pee mai ai ratou ia tatou no te mea *E mea puai a'e ta tatou mau ohipa i ta tatou mau parau.*

E mau tamarii ana'e tatou na to tatou Metua i te ao ra e no reira e mea tia roa ia tatou ia faatupu i te au-taeae-raa i te mau taata atoa i nia i te ao nei. Eiaha roa tatou e faariro i te hoê taata ei enemi no tatou, noa'tu i to'na faaroo, e a ore râ, i to'na mau mana'o, e a ore râ, i to'na huru. E here râ tatou ia'na ma te tauturu ia'na i te mau taime atoa ra, ia pee mai oia i ta tatou mau ohipa maitai e ia noaa mai ia'na te mana'o maitai i roto i to'na iho aau. Mai te mea e here te hoê taata ia tatou e ia ite oia e te rave tamau nei tatou i te ohipa maitai, i te mau mahana atoa, e riro ihoa oia i te pee mai i ta tatou ohipa maitai, e ia rahi roa te ohipa maitai i te ao nei, ua faufaahia ia te Evanelia a Iesu Masia i reira.

*Papaikia'tu e te Peresiteni Misioni
E. Bentley Mitchell Jr. (Mitiela)*

EDITORIAL

TE FAATERERAA MOMONI MAU.

Ua rave rahi te mau taime i parauhia'i tatou, tataitahi e, e noaa mai te mau mea atoa no te oraraa mai te au i tei tuuhia e tatou i roto ra.

O te faarahiraa ia te reira i te mau papairaa mo'a tei parau mai e: *O te mau mea ta te taata e ueue ra, o ta'na ia e ooti; e te tahi atoa tei na ô mai: Te faito ta outou e faito atu,*

o te faito ia e faito-atoa-hia'i outou ra. E te haamana'o atoa tatou i teie tei na ô mai: A ueue i ta oe sitona i nia i te pape; e rave rahi a'era te mahana i mairi, noaa faahou atura ia oe.

E parau mau ana'e teie mau parau e e mea tia ia faaauhia te reira i te mau taime atoa o to tatou nei oraraa. Area ra, te farii nei te rahiraa o tatou i te reira ma te taoto, mai te mea ra e, e mau parau paari ana'e, ma te tuu ore atu i te reira i roto i to tatou mau oraraa. E nahea tatou nei, te mau metua, te tuu nei anei tatou i te reira mau haapiiraa i roto i to tatou faatereraa i to tatou mau utuafare? Te tuu nei anei tatou i te reira i roto i ta tatou mau ohipa i roto i te Ekalesia, e te faaroo nei anei tatou i te reira ei hi'oraa na ta tatou mau tamarii, oia hoi, te u'i apî ta tatou e titau nei ia haere na nia i te e'a afaro? Ua ite anei tatou, te mau metua, e mea tia roa ia tuu tatou i roto i to tatou oraraa, i roto i to tatou mau utuafare, te mau mea atoa ta tatou e mana'o nei e noaa i te mau tamarii i roto i te utuafare?

I roto i to tatou tiaraa Feia Mo'a no te Mau Mahana Hopea Nei te hinaaro nei tatou ia riro ta tatou mau tamarii ei Feia Mo'a maitai atoa. O te reira ta tatou titauraa, oia hoi, te mau mea atoa te faatupu i te reira hopea.

Te hinaaro nei tatou ia faaroo ta tatou mau tamarii i te Atua, mai te mea aita ra, eita ia ratou e tavini ia'na e e haapao i ta'na mau faaueraa. No reira e mea tia roa ia tuu tatou i te faaroo i roto i to tatou oraraa, i te utuafare, mai te mea te hinaaro nei tatou ia noaa te faaroo i te mau tamarii i roto i te utuafare, e mai te mea e ore tatou, te mau metua, e haapao i ta tatou mau tufaa no te faatupuraa i te faaroo i roto i to tatou mau utuafare, e mea tia roa ia haamana'o tatou e, o ta tatou e ueue o ta tatou ia e ooti.

No te faatupuraa i te faaroo i roto i te utuafare e mea tia

roa ia haapii tatou ia tiaturi, na roto i to tatou iho mau raveraa e ta tatou mau haapiiraa. A faariro tatou i te Atua ei Atua mau i mua i to ratou aro, a faatupu i te mau peu faaroo i roto i to ratou mau aau. A haapii atu tatou, na roto i to tatou iho mau oraraa, e faufaa rahi te faaroo e e riro mau te reira ei mea faufaa rahi ia amuihia i te ohipa maitai.

E ia na reira tatou eiaha roa tatou e haamo'e i to tatou hoa rahi no te faatupuraa i te faaroo—oia hoi, te Ekalesia. A amui ana'e tatou i ta'na mau faufaa i to te utuafare haapiiraa. Aita'tu'e amuiraa tei hau atu i te maitai. E ia rave amui tatou i te reira e roaa mau ihoa ia tatou te oaoa rahi.

Area te parau nei te tahi pae e, e mea iti roa te maitai e noaa nei ia ratou na roto i to ratou haereraa i te pureraa. Te parau faahou atu nei matou e, a haamana'o maitai, e roaa mai ia tatou te maitai o te hoê ohipa mai te au i te mea tei tuuhia e tatou i toto i te reira. Hoê â ia e te Ekalesia nei. Mai te mea e mea rahi te mau mea ta tatou e tuu atu i roto i to tatou amuiraa i te Ekalesia, e mea rahi atoa ia te faufaa e noaa mai ia tatou i reira. Mai te mea e itoito maitai tatou i roto i te hoê pūpū ma te tapea ore ia tatou i roto i te mau ohipa, *e faitohia ia tatou i te faito ta tatou i faito atu.*

Te ravea noa iho e noaa mai ai te maitai no roto mai i te Ekalesia o te raveraa ia i te ohipa i roto i te reira. E noaa mai te ite na roto i te raveraa i te ohipa, te taviniraa, e i te tahi mau taime, ia tuu tatou ia tatou iho ei tusia. E teie â hoi te tahi, aita anei te hoê ohipa i horoa mai i ta'na utu'a, te maitai no te maitai e te ino no te ino?

E mea tia ia ravehia te mau raveraa ohipa, i roto i te Ekalesia, ma te ohumu ore, no te mea, *Te taata te rave i te ohipa maori ra ia faaaehia oia ra, e tei farii i te hoê faaueraa ma te aau tapitapi, e tei rave ma te faata'u, ua noaa ia ta'na utu'a i reira.*

Te haapiiraa i ta tatou mau tamarîi, ma te manuia roa, o te tuuraa ia i e taatoaraa o to tatou puai i roto i to ratou haapiiraahia'tu. Aita'tu e mea te horoa mai i te mau apî maitai, e te hau mau, mai te Faatereraa MOMONI mau. A tuu outou i te reira i roto i to outou oraraa, a haapii atu i te reira e a oaoa'tu i te reira i roto i to outou mau utuafare; a tamata atoa i te reira i roto i te Ekalesia e i reira ua ueue oe i ta oe sitona i nia i te pape; e rave rahi a'era te mahana i mairi, noaa faahou atura ia oe ma te faa-rahi-hia.

TE AURAA NO TE ORARAA.

Ua hamanihia te Taata nei no te hoê tumu.

Eaha te tumu vau i tae mai ai i raro nei? O te uiraa te reira te tupu i roto i te taata te feruri. Ia ore ana'e te hoê pahonora maramarama maitai e roaa mai ia'na ua riro ia te oraraa, no'na, ei mea faufaa ore.

Eita e au ia tuuhia te reira uiraa oia ana'e. Te vai ra e pitj tei au maitai ei apee no'na e tei rahi atoa hoi, oia hoi, *Nohea mai au?* *Te haere nei au i hea?* E noaa ia te auraa o te oraraa nei ia pahonohia teie na uiraa e toru ra. Te faaite mai nei to tatou paari, tei haere noa i mua, ua faaterehia teie nei ao e te ite, e te haere nei te mau mea atoa no te hoê noa iho hopea. Eaha ia te hopea i titauhia na roto i to te taata vai-raa i nia i te fenua nei?

E mea Mure ore te Taata.

Na te imiraa i te huru mau o te taata e faaite mai i te auraa mau no te oraraa o te taata nei. Ua na nia a'e i te reira imiraa te hoê ohipa tumu, oia hoi, te oraraa mure ore o te taata nei. I mua a'e i to te taata haereraa mai, i nia i te fenua nei, ua ora a'ena te taata. I to'na oraraa i mua ra te fe-

ruri ra, te rave ra e te haere ra oia i mua, mai ta'na e rave nei i raro nei, area ra ua huru ê ta'na mau raveraa i reira e e vahi ê atoa te reira. *I te Atua ra te taata i te matamua*, e e haere te reira i roto i te mau tau i mairi a'enei te ore roa e haroaroahia e te feruriraa taata nei. E ere te reira i te haapiiraa apî, e haapiiraa ra tei mo'e i te mau tau a faatiahia'i te mau Ekalesia e te taata nei.

Te papuraa o te oraraa o te Taata i mutaa ihora.

Te vai nei, i roto i te mau taata atoa, te ite e ua ora oia i te hoê oraraa i te matamua ra. I te tahi mau taime e noaa faahou â ia'na te ite e, ua fatata faahou mai â taua oraraa ra. Eiaha roa te reira huru, tei itehia e te mau taata atoa, e faaruehia mai te huru ra e, e mau mana'o ana'e te reira.

Ua rave rahi te mau rohi pehe, no te mau fenua atoa, tei faaite, ma te papu maitai, te oraraa i mutaa ihora, to'na oaca e to'na hoi nehenehe. Ua rave rahi te mau taata paari roa, e i rotopu ia ratou te vai ra o Plato, tei noaa ia ratou te ite e, ua ora e ana te taata, hou to'na fanauraahia i raro nei, na roto i te feruriraa paari. Aita roa te tahi mau taata paari, tei noaa ia ratou te ite e, e mea mure ore teie nei ao, i hinaaro i te faaere i te taata, te mea nehenehe a'e i roto i te mau mea atoa tei hamanihia, i te parau e, ua ora ratou ma te huru tahuti ore; aita ratou i hinaaro i te faaha'ehaa ia'na i te ofai e te raau. Ua faaite atoa te mau Peropheta, tei faaûrûhia e te Atua, ua ora ê ana te mau taata. Ua ui mai te Atua ia Ioba: *I hea oe ia'u i haamau ai i te tumu o te fenua nei?*

Te haapii mai nei te mau heheuraa, tei horoahia mai e te Atua, i teie nei mau mahana, ua ora te taata i te hoê oraraa i mutaa ihora. E mea papu ihoa te oraraa o te taata i te matamua.

Te Opuaraa rahi no te Ora.

I roto i te reira oraraa matamua i haapûhia'i te nunaa taa-

ta nei. A vai ai tatou ei mau tamarii varua na te Atua, ua riro ia tatou ei utuafare rahi varua, e no reira mai hoi te aua Metua mau o te Fatu. I roto i to'na tiaraa Metua, ua haapao maitai tei hamani ia tatou mai te reira tau tahito mai â. Ta'na opuaraa, tei faatiahia no te haamaitairaa e te haapiiraa o ta'na mau tamarii o tei vai varua i reira, o te opuaraa ia no te Faaoraraa tei parauhia te Evanelia. I to tatou haere mâru-noa-raa i mua i roto i te haroaroa, te noaa-rii-noa ra ia tatou te tia ia tamata-faahou-hia tatou, e ia haere faahou i te tahi haapiiraa ê atu, oia hoi, te haapiiraa e te tamataraa o teie nei ao. Ua faataa ihoa te opuaraa rahi e, te mau varua tei noaa ia ratou te ite no te ao varua e tei auraro i te mau mea o te pae varua, e tia ia ratou, mai te mea ua hinaaro ratou, ia rave i te hoê tino tahuti noa nei e ia farii i te maitai o te mau haapiiraa te noaa mai na roto i te hoê oraraa pae tino nei e te tahuti noa. E i muri a'e, ma te mau ite i noaa i roto i teie na haapiiraa e piti ra, e tia ia ratou ia ho'i faahou i roto i te ao varua no te haere noa i nia i te e'a o to ratou îraa i roto i te mure ore.

Te opuaraa no te faaoraraa, e opuaraa ia no te faatupuraa tei horoahia i te mau varua mure ore no te hoê oraraa mure ore e te haere noa i mua.

Ua faataahia te reira no na haereraa e toru te haerehia e te taata nei, oia hoi, no te oraraa matamua o te mau varua, no te oraraa i nia i te fenua nei e no te oraraa i te ao a muri atu, tei faataa maitai i te haereraa i mua e te hoê tupuraa mure ore ra.

Aita te reira opuaraa i faataahia no te hoê ana'e pae, no te taatoaraa ra o te nunaa taata. E oti to'na tupuraa i te taima e farii ai te mau melo atoa o te reira utuafare ia'na, i nia i te fenua nei, e a ore râ, i ô atu. No reira e mea tia roa ia tauturu te taata i to'na taata tupu, e to'na atoa taeae, i roto i te raveraa i te reira ohipa. No te tautururaa i te paruparu

o te taata nei e ia oti te amuiraa mure ore o te tino e te varua, tei noaa i nia i te fenua nei, ua maitihia o Iesu, te Tamaiti matahiapo a te Atua, ei Aaratai, Faatere e ei Faaora no te ao nei.

Te Tiamâraa e te Haereraa i Mua.

Ua faaauhia te opuaraa no te Faaoraraa o te taata nei e te Atua, aita ra te taata mure ore i faahepohia no te haapaoraa i te reira. Aita te ora i faahepohia ia'na. Tei te mau taata atoa te tiamâ, oia hoi, te mana ia rave, e a ore râ, ia patoi i te mau mea te tuuhia'tu i mua ia ratou, e ia rave i te mau mea atoa na roto i to'na iho hinaaro. Tei to tatou iho hinaaro te farii, e a ore râ, te patoi i te mau mea tei horoahia mai ia tatou. Area ra te vai noa ra ia tatou te mana ia ani i te Atua ia tauturu mai ia tatou. Ua faataahia, i roto i te opuaraa no te Faaoraraa, te haereraa i mua, te haapiiraa tamau noa e te oaoa noaraa o te taata mure ore. I roto i teie nei ao aita te hoê mea e vai noa nei ma te ohipa ore. E mea haere noa te oraraa i mua i roto i to tatou oraraa i mutaa ihora; e e haere noa â oia i mua i roto i to tatou oraraa i mua nei. Ma te haapao i to ratou iho tiamâ, te haere noa nei te mau taata i te hoê oraraa oaoa roa a'e, e a ore râ, te ho'i ra ratou i muri i roto i te pohe.

Te faaite mai nei te opuaraa no te faaoraraa i te e'a te au i te taata ia rave, mai te mea te hinaaro ra oia, na roto i te haapaoraa i te mau ture mure ore e ia noaa ia'na te hoê mana e te hoê oaoa mure ore.

Te Ohipa a te Taata nei i nia i te Fenua nei.

I te noaraa ia'na te tia ia fanauhia mai e to'na fariiraa i te opuaraa no te ora, e haere mai te taata i nia i te fenua nei. Te haere mai nei oia i reira mai te huru ra e, te haere maira oia i te hoê haapiiraa no te haapiiraa'tu i te mau mea no te pae tino e ia haavî i te mau mea atoa. E haere mai oia ma te ite ore i te mau mea atoa, e te mau oaoa, no to'na oraraa i mutaa ihora, e e riro oia ei hauti no te mau puai huru rau o te ao tahuti nei, e tei roto hoi i te reira te pohe, o tei riro noa ei faataa-ê-raa poto noa no te tino e te varua. E riro te mau ohipa maitai atoa o te ao nei, i roto i te fare tutu e i te fare

raveraa ohipa, i te aua faaapu e i te piha raveraa ohipa, te mau tutavaraa atoa o te taata nei no te faatupuraa i te taata nei i te pae tino, e e ite atoahia ia te reira i te pae varua.

No te huru o to te taata tuuraahia mai i nia i te fenua nei, te vai ra, no to'na tiamâraa, oia hoi, te mana ia rave e ia faa-oti, te hoê vahi tamataraa hopea. Area, i raro nei, aita oia i vaiiho-otare-hia. Mai te mau tau tahito mai â ua haapii noa mai te Fatu, ia'na, te mau ture mure ore no te oraraa tei au ia'na, e ia amuihia ratou ua parauhia ia o te Evanelia. Ua haapiihia ratou i te taata matamua e ua haapii-faahou-hia i te vetahi atu â mau taata i te mau taime atoa ua faarue te taata ia'na, e a ore râ, ua faahuru ê ia'na. Te tapea noa nei te Atua i te faatereraa o te ao nei i roto i to'na rima.

Noa'tu i to'na mau taviniraa tahuti nei, e ere te fenua nei i te hoê vahi mauuira no te taata. *Te vai nei te taata ia noaa to ratou oaoa.* Area ra, i roto i to'na îraa, eita te fenua e navai nei no te mau hinaaro o te taata nei. Te vai nei te tiaturiraa e, e rave te taata i to'na mau puai atoa no te faatiaraa i to'na mau hinaaro pae varua e te pae tino atoa hoi.

Te haapii nei te Evanelia, i roto i to'na îraa, te ravea e oti ai te reira opuaraa. Mai te mea e faatere-maitai-hia te mau titauraa o te taata, i te pae tino e i te pae varua atoa hoi, e faarahi ratou i te taata e e horoa ratou i te mau hotu tei hau i te maitai no te oraraa tahuti nei. Ua tuuhia mai te taata i nia i te fenua nei ia noaa ia'na te oaoa mau.

Te Oraraa i te Ao i ô atu.

E mea mure ore te taata. E ere te fanauraa i to'na haamataraa, e ere atoa te poheraa i to'na hopea. Mai te fenua atu nei, e haere oia i roto i te ao varua e i reira e noaa faahou ia'na to'na tino tei tamâhia e tei faaapîhia na roto i te tia-faahou-raa tei noaa mai na roto i te taraehara a Iesn Mesia, te hoho'a rahi i roto i te opuaraa no te ora. I roto i taua ao varua ra e tapea noa to'na mana ia rave, ia feruri e ia haapii; te tamau noa ra oia i te faaroo, te tatarahapa e te haapao; te vai noa ra ia'na to'na tiamâraa e e mea na roto i te raveraa e to'na tutavaraa i to'na haereraa mure ore, i te imiraa i te hoê paari, te hoê mana rahi roa'tu. Eita to'na

mau auraa fetii, tei tamauhia i raro nei, e motu i reira. E ta-
pea noa te metua tane, te metua vahine, te mau tamarii e te
mau hoa i to ratou here, te tahi i te tahi. Inaha, te ora ra te
taata i mua i te aro o te Atua. Te rave noa ra oia i te ohipa
e te haere noa ra oia i mua.

Te mau Tufaaraa i roto i te Ora.

Te ora nei, e haamaurururaa ia, e a ore râ, te hoê horoa-
raa tei horoahia mai, e te Atua, i te taata tei haapao i te mau
faaueraa no te ra'i mai, ma te haapao i to'na mau hinaaro,
ia noaa ia'na te haereraa mure ore i mua. Area ra eita te mau
taata atoa e faahope to ratou puai i to ratou imiraa i te pa-
rau-tia. Eaha, e faaauhia anei to ratou faaoraraa? E mea
papu e, Eita, no te mea e ere ia te reira i te mea afaro e te
tia. Teie ra, e farii te mau taata atoa i te hoê tufaa no te ora
mai te au i te parau-tia o ta'na raveraa. *E rave rahi te pa-
rahiraa i roto i te fare o to'u Metua.* E farii ihoa te mau taa-
ta atoa i ta ratou tufaa, area te utu'a rahi o te feia tei rave i
te hara o teie ia, o te iteraa i te mea te noaa ia ratou ahiri ra-
tou i hinaaro. Area, i roto i to'na aroha, eita te Atua, o te
faautu'a hanahana mai i ta tatou mau ohipa rii no te parau-
tia, e haamo'e i te taata hara ra. Area, i roto i te ao varua,
mai i nia i te fenua nei, e tia i te taata tei mau i te mana no
te feruri, te rave, te farii, e a ore râ, te patoi i te parau mau,
ia tatarahapa, e te ani atu ia faaorehia ta'na mau hara, ia
faaiti-rii-hia to'na mau poheraa, no te mea te vai ra ia'na te
tiamâraa e a muri noa'tu e aita hoi te e'a o te parau-tia i o-
panihia ia'na. Area ra na roto i ta'na mau ohipa ino ua tuu
oia ia'na iho i muri roa i te nuu o te Fatu, a tia'i ia'na ia pa-
rahi i mua roa ahiri oia i hinaaro. Ia oaoa râ tatou ia tae i
taua mahana rahi ra e mea tia roa ia fariu atu tatou i te oa-
oa rahi a'e, oia hoi, ia farii i te mau faaueraa a te Fatu.

Te Auraa o te Oraraa nei.

Te taa nei te auraa o te oraraa o te taata nei na roto i to'-
na mure-ore-raa e to'na ia haamaitai-noa-raa-hia e a muri
noa'tu. E tufaa to tatou oraraa, i nia i te fenua nei, no to
tatou haereraa mure ore i mua e ua horoahia mai te reira ia
tatou no na tumu e piti:

1.- No te faaineine ia tatou iho no te hoê oraraa e te hoê haereraa i mua no a muri atu;

2. No te faatiaraa ia tatou iho ia horoa atoa, i to tatou mau taata tupu, te hoê faaineineraa tei au i to tatou iho.

No te taeraa i taua hopea ra tatou e tama'i noa'i no te haavî i te mau mana o te fenua nei, to tatou mau hiaai tia ore, e te mau faahemaraa tei faataupupu i to tatou haereraa i mua.

No te tae atu i taua hopea ra tatou e faaherehere nei i te here, te nehenehe e te mau viretu atoa ra;

No te tae atu i taua hopea ra tatou e faaoromai nei i te mau tamataraa o te oraraa nei e to tatou faahanahanaraa'tu i te Fatu.

Te feia tei ite i te auraa mau o te oraraa nei e tama'i ia ratou ma te itoitoe no te haereraa i mua no te mea ua ite papu ratou e, te mau tamataraa o te fenua nei e faahuru-ê hia te reira ei mau parau mau mure ore.

Te Heheuraa i teie nei Tau.

Ua ite-ê-hia na te reira feruriraa rahi no nia i te tumu, te hopea e te auraa o te oraraa o te taata nei. Area, i roto i te mau tau a faaatea'i te taata ia'na iho i te mau haapiiraa a Iesu Mesia, ua mo'ehia te reira. Area, i roto i teie mau mahana nei, ua faaho'i-faahou-hia mai te reira mau haapiiraa na roto i te heheuraa, na roto i te Peropheta ra o Iosepha SEMITA, te taata tei faatia i te *Ekalesia a Iesu Mesia i te Feia Mo'a i te Mau Mahana Hopea nei*.

Papaihia e: John A. Widtsoe.

Te Aamu No Te Hoê Vahine Maitai.

TE vai ra te hoê utuafare veve roa, e taata inu ava ra te metua tane. Ia taero oia i te ava e tupai oia i to'na hoa faaipoipo. Ia pee ana'e ra to'na taero e hi'o oia i te mau vahi pepe i nia i te tino o to'na ra hoa e ua ui atura ia'na e,

na e,
hine
te tai
oaoa,
eita o
ai oe

Ua
vahir
maah
te rei

Ua
oia i

E
ua ha
re. A
raa e
noaa
e far
maita
ta'na
re ei
no te
neher
vava
haam
raua
taime
taa.

e i te
taua
tama
Na r
noa-
taua

E r
itehi

na e, *Eaha te tumu no te mau pepe i nia ia oe?* Aita taua vahine ra i ohumu, ua pahono atura oia e, *Ua tupai oe ia'u i te taime oe i taero ai.* Ua parau faahou mai oia, ma te mata oaoa, *Ua manuia vau i te taata mai ia oe i te huru no te mea eita oe e tupai noa mai ia'u, maori râ i te mau taime e taero ai oe ra, e eita atoa hui oe e tairi nei i to taua tamarii.*

Ua na ô noa taua taata ra, i roto i to'na iho feruriraa, *E vahine maitai ta'u; Aita oia i faahapa mai ia'u. Aue! e maamaahia vau ia inu vau i te ava; E faaea vau e e faaore au i te reira peu ino.* E i te hopea ua na reira mau oia.

Ua haamaitai atura to'na hoa ia'na no te reira e ua imi oia i te mau ravea ia ore oia ia hiaai faahou i te ava.

E fare nainai to ratou e te pê roa hoi; noa'tu râ i te reira ua haapao maitai e ua tamâ noa taua vahine ra i to raua fare. Aita oia i ohumu i ta'na tane, ua na ô ra oia i te parauraa e, *Auaa i noaa mai ia'u te hoê tane maitai, no te mea ua noaa ia'na te hoê fare no matou.* Ua ite atura taua tane ra e, e fare faufaa ore roa to ratou e ua parau oia e, *Ahiri e fare maitai a'e to tatou e mea maitai roa ia.* Ua pahono atura ta'na vahine e, *Ua ite au i te ravea no te faariroraa i teie fare ei fare maitai a'e. E tamau taua i teie iri i nia i te papai no te hamaniraa i te hoê paepae. E riro te reira ei faaneheheheraa i te fare e ei vairaa mereti hoi, ia ore te tamarii ia vavahi noa i te reira.* Ua tahoê raua i roto i te ohipa no te haamaitairaa i to raua fare. E oaoa rahi roa to raua no to raua tahoêraa. Aita taua vahine ra i ohumu i ta'na tane i te taime oia i repo ai e te mau taime hoi aita oia i hahu i to'na taa. Ua haamaitai ra oia ia'na i te mau taime i mâ maitai ai e i te mau taime hoi oia i hahu ai i to'na taa. Ua faaite noa taua vahine ra, i te mau taata atoa, e tane maitai ta'na e ua tamata noa ta'na tane i te faairi ia'na iho ei taata maitai. Na roto i to taua vahine tiaturiraa i ta'na tane, e to'na imi-noa-raa i te mau mea maitai i roto i ta'na tane, riro atura taua tane na'na ra ei tane maitai roa.

E mata na tatou i te imi i te maitai i roto ia vetahi ê ra. *E itehia ia te reira.*

Papaïhia e: Ruta Mittela.

EAHA TO OUTOU MANA'O NO NIA I TE MESIA?

Ua pinepine roa to Hebera Garanata faatiaraa i te aamu no te taata papai aamu tei ani atu i te mau Orometua o te mau haapaoraa Porotetani e rave rahi, i teie uiraa i muri nei: "Te faaroo nei anei outou e, e Tamaiti mau anei te Mesia na te Atua, mai ia outou i riro ei tamaiti na to outou iho metua; ua haere mai Oia i nia i te ao nei no te hoê ohipa taa maitai, ia pohe Oia i nia i te satauro no te mau hara o te ao nei; oia hoi, ua riro mau oia ei Faaora e ei Taraehara no te taata nei. Inaha, aita vau e ani atu nei ia outou ua riro Oia ei Orometua rahi a'e tei ora i nia i te ao nei, no te mea aita te mana'o e fifi i te reira vahi, area ra, i roto i to outou tiaraa orometua no te Evanelia, a pahono mai, E, e a ore râ, Aita; E Tamaiti mau ihoa anei Oia na te Atua?

Aita roa te hoê i pahono mai e, E. Ua rave rahi tei tiaturi i te reira; e te tahi pae ra ua faaroo rii ratou i te reira, Aita roa ra te hoê i ite papu i te reira. E i te reira taime ua faaau o Hebera GARANATA i te reira papu ore e te reira ite iti i te mau parau faaite e te ite o te Feia Mo'a no te Mau Mahana Hopea Nei no nia i te Mesia e ta'na hoi ohipa.

Eaha ia ta tatou mau parau faaite e to tatou ite no nia Ia'na e ta'na ohipa? Te faaite papu mai nei ta tatou mau parau mo'a hopea ra e: *E teie nei, te parau atu nei au ia outou, aita'tu e i'oa, aita hoi e e'a, aita hoi e ravea e faaitehia mai, e tae mai ai te ora i te tamarii a te taata nei i roto ana'e, e na roto ana'e hoi i te i'oa o Iesu Mesia, te Fatu puai hope.* (Mosia 3:17)

I haere mai au i roto i teie ao e rave i to te Metua hinaaro, o tau Metua i tono mai ia'u. I tono mai tau Metua ia'u ia faateiteihia vau i nia i te satauro. (III Nephi 27: 13, 14)

O vau te maramarama mau te haamaramarama i te mau taata atoa te haere mai i roto i teie nei ao Tei roto vau i te Metua e tei roto hoi te Metua ia'u, e ua hoê hoi maua e te Metua Te vai ra vau i te matamua i pihaiho i tau Metua, e o vau hoi te Matahiapo. (Buka Fafau 93:2, 3, 21)

E i teie nei, i muri a'e i te mau parau faaite atoa tei tuuhia'tu no'na ra, teie ia te parau faaite, te hopea ra, ta matou e parau nei, oia hoi: Te ora mau nei Oia! No te mea ua ite maua ia'na i te tiaraa i te rima atoa o te Atua; e ua faaroo hoi maua i te reo tei parau mai e, o Oia mau ihoa te Tamaiti fanau tahi a te Atua te Metua -- E na'na, e na roto hoi ia'na e na roto hoi i to'na mana te mau ao e vai nei e i hamanihia'i, e te mau taata te parahi nei i nia i te reira ua fanauhia ia ei mau tamarii na te Atua. (Buka Fafau 76:22-24)

E i te tahi ra pae, ua horoahia mai, e te Varua Maitai, te ite e, o Iesu Mesia ra o te Tamaiti mau Oia na te Atua e ua faasataurohia oia no te mau hara o te ao nei. (Buka Fafau 46:13)

Te faaroo nei tatou e, o Iesu Mesia ra o te Tamaiti mau ia oia no te Atua ora, o tei haere mai i nia i te ao nei ia pohe i nia i te satauro no te mau hara o to te ao, e o oia ihoa te Faaora e te Taraehara o te ao nei. Te faaroo nei matou e, o Oia tei hamani i te mau mea atoa, e o oia te maramarama e te ora o te ao, o oia o Iehova mana ra tei haapao ia Iseraela i tahito ra, e o Oia te Arenio tei taparahihia ra hou te faatumuraahia o te ao nei, e ua parau faahou mai â Oia e ua heheu mai hoi i te opuaraa ora, i to tatou mau mahana nei, e ua fatata hoi te piti o To'na taeraa mai ma te mana, te puai e te hanahana.

Teie te etaeta o to tatou tiaraa, oia hoi, e tia i te mau taata atoa, te tane, te vahine e te tamarii, i roto i te Ekalesia, ia farii i te ite, no ô mai i te Varua Maitai, i roto i to'na aau e, e parau mau teie mau mea. Te feia te farii i te reira mau horoaraa e farii ia ratou i te hau e te oaoa i roto i te oraraa nei e e patu ratou i te niu no to ratou oraraa i roto i te mau fare i faataahia ra. O te reira ia ta matou pahonora i te uiraa: *Eaha to ou-tou mana'o no nia ia Iesu Mesia? E Tamaiti oia na vai?*

Faaauhia e Marcel Bor-net.

TE HAERE NEI TE EKALESIA I MUA

Te Parau Apí no to tatou Aposetolo.

Na roto i te hoê rata tei tae mai i te Fare Orometua ua faaite mai o Mataio Cauri, Aposetolo, i te huru no to'na tereraa mai, i teie taime, i rotopu i te mau Misioni i teie paeau o te Moana Patifita. E ho'i atu oia i Vaihi i muri a'e i to'na faaecaraa i Niu Terani e i Australia. E tere atu oia i te Misioni Tapone e a parahi ai oia i te reira fenua e faaineine oia i to'na tereraa i te fenua Tinito no te haamata i te ohipa a te Atua i roto i taua fenua ra. E tere atoa'tu te hoê taeae, tei faataahia ei Peresiteni Misioni, no teie Misioni Tinito apí, e na melo Tinito e piti, no te Ekalesia, ei Orometua. Ia Mataio Cauri Aposetolo ra, ia haere atu oia i te reira fenua e faatia ia oia i te Ekalesia a Iesu Mesia i te Feia Mo'a i te Mau Mahana Hopea Nei i rotopu i te feia Tinito. E ohipa maitai ihoa ia te reira. Te farii nei te tahi mau taata Tinito i te Evanelia i Tahiti nei. Ua mauruuru roa tatou no te reira ohipa maitai tei haamatahia i rotopu ia ratou. O vai te ite! Te vai ra paha te mahana e ho'i atu ai teie mau Tinito i roto i te Ekalesia nei, i to ratou fenua ai'a, no te tautururaa i te poro-haere-raa i te Evanelia i rotopu i to ratou mau fetii i te fenua Tinito ra. Oia mau ihoa, te tupu nei te parau a te Fatu.

E farii tatou paatoa ia ratou ma te aroha, e te here hoi, e ia faahanahana tatou i to tatou Metua i te ao ra no te ohipa maere te tupu noa nei i mua i te aro o te ao nei i teie tau.

Te Meloraa no te Ekalesia.

I te Amuiraa Eperera i te matahiti 1948 ua faaitohia mai te hoê parau oaoa rahi, oia hoi, ua tae te meloraa o te Ekalesia i te milioni. Mai te mau melo too ono, i te 6 no Eperera 1830, ua tae roa ia i te 1.016.170 melo i te 31 no Titema 1947, mai te au i te tapura i raro nei:

Eperera, 6, 1830	6	1900	236.316
1840	30.000	1910	382.108
1850	60.000	1920	526.032
1860	80.000	1930	670.017
1870	110.000	1940	803.528
1880	160.000	1948	1.016.170
1899	202.900		

Hoê hanere e tiahapa matahiti teie nei to te Ekalesia faatiaraahia. Ua tupu oioi roa te Ekalesia ia feruri tatou i te rahiraa o te mau melo i to'na faatiaraahia e te rahiraa o te mau melo i teie nei.

Te Pupu Himene no te Fare Menemene.

Ua himene te Pupu Himene, no te Fare Menemene, i teie nei, e 1.000 taime i roto i te radio. Ua himene ratou i ta ratou himeneraa matamua, i roto i te radio, i te 14 no Tiurai i te matahiti 1929 i mairi a'e nei. I te 14 no Ato-pa i te matahiti 1948, 19 ia matahiti e tiahapa to te Pupu Himene no te Fare Menemene himene-noa-raa i roto i te radio no na taime e 1.000 ra. A haa-mana'o maitai i te reira, ua tamau noa ratou i te himene, i roto i te radio, no na matahiti e 19. O teie ia te tahi ravea no te horoa'tu i te Evanelia i to te ao nei, oia hoi, na roto i ta ratou mau himeneraa i roto i te radio.

Te Oriraa a te Sotaiete Tauturu.

I te hoê pô i mairi a'enei ua faaterehia te hoê oriraa, i rapae i te Fare Pureraa i Orovini, na te Pupu Tuahine o te Sotaiete Tauturu no te Amaa i Papeete. Ua faaunaunahia te aua e ua tamauhia te mau mori no te reira oriraa. Ua hamani hoi te mau Tuahine no te Sotaiete Tauturu i te mau faraoa monamona e rave rahi e ua opere-noa-hia te reira na te mau taata atoa o tei tae mai, ma te moni ore. E mea rahi te mau ohipa maitatai tei ravehia na roto i te reira oriraa. E mea faahiahia roa te oriraa ia ravehia na roto i te peu mâ, ma te ava ore e te avaava ore atoa hoi. Ua anaanatae roa te mau Tuahine i te oriraa ta ratou i faatere i taua pô ra.

Marcel BONNET Gérant et Imprimeur, Papeete, Tahiti.
